

نور کیا بو یوک ملت مجلسی

ضبط سابق

یوز آلتش دردنجی اجتماع

مندرجات

اوراق وارده:

بقال حسنك بقية مدت جزائيه سنك عفوی حقنده کی قانونك ایکنجی مذا کره سیکله قبولی .
مأمورین محاکاتی انجمنیله هیئتک صورت اتخای حقنده کی قانونك تعدیلنه دائر سلیمان سری بک تکلیفک مذا کره
وردی .

بافرولی طلعت افندیکنک عفوی حقنده کی تکلیفک مذا کره وردی
بو یوک ملت مجلسی اعضا سنک متهدلک پایه مرینه دائر تقریرک مذا کره وقبولی

برنجی جلسه

رئیس — برنجی رئیس وکیل موسی کاظم افندی حضرت تئری

کاتب — محمود سمیدیک (وش)

۲۸ شباط ۳۲۸ - پنجشنبه - ساعت ۱۰:۴۵ صوکره

پوسته و تلغراف باش مدیریتنک اوج آیلق معاشات و مصارقاتی
قارشولنی اوله رق پوسته و تلغراف مدیریت عمومی سنک
مفرداتی مربوط پوصله ده محرر فصول و مواد ایچون
۳۲۷ سنه سی بودجه سنه ۳۹۵۶۲,۵ لیرانک ضم و علاوه -
سنه لزوم کورولمشدر .

هیئت و کیهنک تکلیفی

۱ — یکیدن تأسیس ای دیلان آطنه پوسته و تلغراف
و تلفون باش مدیریتی ایچون ۳۲۷ سنه سی بودجه سنه
مفرداتی مربوط محرر فصول و موادینه ۳۹۵۶۲,۵ لیرا
علاوه و صرفه مأذونیت ویرلشدر .

رئیس — اکثریت واردره . جلسه نی کشاد ای دیورم .
(ضبط سابق قرائت اولندی .) ضبط سابق حقنده
مطالعه و ارمی ؟ . (خایر سسلری) احوالده ضبط سابق
عیناً قبول ایلدی . اعمالات حربیه مدیریت عمومی سی
تشکیلاتنه دائر هیئت و کیه دن مورود لایحه قانونیه وار .
مدافعه ملیه انجمنه .

پوسته و تلغراف مدیریت عمومی بودجه سنه مشخصات
علاوه سنه دائر اولان تکلیف قانونی ایله حقنده کی موازنه
مالیه انجمنک مضیطه سی او قونه جقدر

اسباب موجبه

بوکره استرداد اولنان آطنه ولایتنه تشکیل ای دیلن

۲- اشبوقانون کانون اول سنه ۳۳۷ ابتدا سندن معتبردر .
۳- اشبوقانونک اجرای احکامنه مالیه و داخلیه و کیلیری مأموردر .

۱۵۸ کانون ثانی ۳۸
اجرا و کیلیری هیئت رئیسی
وارکان حربیه عمومی و کیلی
فهیسی

فوزی
خارجیه و کیلی عدلیه و کیلی مدافعه ملیه و کیلی
یوسف کال رفیق شوکت اجتماعه بولنه مامشدر
نافعه و کیلی معارف و کیلی مالیه و کیلی داخلیه و کیلی
فیضی محمدوهی حسن حسنی علی فتحی
محیه و معاونت اجتماعیه و کیلی اقتصاد و کیلی
اجتماعه بولنه مشدر منحلدر

موازنه مالیه مضبطه سی

اخیراً دواثر ملکیه مصارفاتی قارشولنی اوله رق
توارخ مختلفه ویریلن آوانسلر مجموعنه ضمیمه اوله رق
بودفمه هیئت عمومیه قراریله بش میلیون لیراها آوانس
اعطایدلش اولغله مذکور آوانسندن تسویه سی ممکن اولان اشبو
خصوص ایچون آیریجه قانون تنظیمنه لزوم اولمدینی معروضدر .
اعضا اعضا کاتب مضبطه عجزری رئیس
بایزید منتشا صاروخان
عاطف دو قوتور توفیق رشدی رشاد
اعضا اعضا اعضا
احمد حمدی آنطالیه ارضروم
علی وفا صالح

رئیس - اقدم اورتیره پسته و تلغراف بودجه سی
ایچون تخصیصات ایسته نیور . موازنه مالیه انجمنی ؛ بش
میلیون آوانس قبول ایدلدی . اوندن ویرلسون «
دیور . بوجهندن مضبطه سی قبول ایدنلر لطفاً ال قالدیرسون ؛
(قبول ایدلمشدر اقدم)

آسنه قضا سنه تابع ایکی قره نیک ۳۳۳ ، ۳۴ ، ۳۵ سنه لرینه
عائد اعشارینک تأجیلنه دأر لازستان مبعوثی نجاتی بکک
تکلیف قانونی وار ، لایحه انجمنته .

ایکتنجی سنه دوریه استخلاص مناسبتیله مرعش
متصرفلندن مورود تیریک تلغرافی وار . او اوقونوجق .

بو یوک ملت مجلیسی ریاسته

استقلال ایچون آتدینی ایلك خطومه آتدینی قانلرک
بحق مکافاتنه نائل اولان مرعشلیلر ، مرعشک ایکنجی
سنه دوریه استخلاصی اولان بوکون شهرک هر طرفی آل
بیر اقل مزله تربین و جامع کیرده مولودنبوی قرائت ایدرک
ارواح شهیدیه فاتحه لر انخاف و بر خاطره جلالت ایچون
قلعه ده کی تاریخی بایراغک آتنده لایتزل بر عزم ایله مجهر
اولان اردومرک نصرت و مظفریته و بقیه اقسام و طناک ده
استخلاصنه دعالر اوقونهرق دعوی ملیمزک موقیتله
توجنی درعهده بیوران ذات دولتسورنه حرمت و
تعظیملرینک ابلاغنه بنده کنزی توسط و پروقار برسکیتله
مراسمه نهایت ویرلش اولدینی . مرعش متصرفی
ادهم

رئیس - دیوان ریاست لازمکن جوانی یازار .
افندم اقل ماده سندن دولایی اون بش سنه حکوم
بولیلی حسن بن مصطفی نک معلولیتنه بناء مدت جزائییه سنک
عفوینه دأر عدلیه انجمنک تکلیف قانونی وار ، هیئت
علیه کزجه برنجی مذاکره سی اجرا ایدلمش و قبول ایدلمشدر .
بو ایسه ایکنجی مذاکره سیدر ، بر ماده دن عبارتدر .

ماده ۱ - قتل ماده سندن دولایی صورت قطییه ده
اون بش سنه کوره جزاسنه حکوم اولوب الیوم بولی
حبسخانه سنده محبوس بولنان بولینک آقوبیکار محله سندن
دورت دیوانلی اوغلی بقال حسن بن مصطفی نک معلولیتنه
بناء بقیه مدت جزائییه سی عفو ایدلمشدر .

ماده ۲ - اشبوقانونک اجرا سنه عدلیه و کیلی مأموردر .
۴ شباط ۳۳۸

رئیس - سوز ایستین وارسی . . . (خایر سسوری)
او حالده قبول ایدنلر لطفاً ال قالدیرسون ؛ (قبول ایدلمشدر .
افندم) (ایکنجی ماده سی اوقوندی) قبول ایدنلر لطفاً
ال قالدیرسون ؛ (قبول ایدلمشدر اقدم) . هیئت عمومیه سی
قبول ایدنلر لطفاً ال قالدیرسون ؛ (قبول ایدلمشدر اقدم) .
مأمورین تدقیق محاکمات انجمنی اختصاصک صورت
اتحایی حقنده کی یوزغاد مبعوثی سلیمان سرری بکک تکلیفک
ردی حقنده عدلیه انجمنی مضبطه سی وار .

ریاست جلیله

شورای دولتک مأمورین محاکماتنه متملق وظائفنک صورت ایفاسی حقیقه کی قانونک تأمین مقصده کافی اولمیدیقی سمدی به قدر ایدیلن تجربه ایله وجریان ایدن مجلس مذاکره ایله ثابت اولدیغندن روجه آتی موادک قانون مذکوره ذیلاً قبولنی تکلیف ایلم .

ماده ۱ — کرم مأمورین محاکماتی انجمننده وکرم مأمورین محاکماتی هیئنده منحل وقوعبولدجه مدت انتخاب ختامه قدر انحلال ایدن اعضانک وظیفه سنی ایفا ایتمک اوزره هر ایکی هیئت عدد اعضاسنک بر مثل ، حائر اکثریت ذوات تقریق اولتور .

ماده ۲ — مدت انتخاب ختامنده برلینه دیگرلری انتخاب ایدیلنجه به قدر اسکی هیئتله وظیفه لرینی ایفاده دوام ایدرلر .

ماده ۳ — اشبو قانون تاریخ نشرندن معتبردر .

عدلیه انجمنی مضبطه سی

مأمورین محاکماتی تدقیق انجمن وهیئت اعضاسنک صورت انتخابه دائر یوزغاد بمعونی سلیمان سری بکک تکلیف قانونیسی اوزرینه داخلیه انجمنندن تنظیم وهیئت عمومیه دن محول ۸ شباط ۱۳۳۸ تاریخی مضبطه وتکلیف قانونی مطالعه وتدقیق واقتضاسی مذاکره اولندی . مفاد مضبطه اماس اعتباریله مصیب وتکلیفک برنجی ماده سی الیوم مجاسده جاری تعامل دولایسیله مستغنی عنه اولدینی کی ایکنجی ماده ده قانوناً تعیین مدتدن مطلوب اولان منافع ومقاصدی مفیت کورلمش اولغله تکلیف مذکورک ردی متفقاً قرارگیر اولغله هیئت عمومیه نک نظر تصویبیه عرض اولتور .

اعضا
قره حصار شرقی جانیک بیغا روسه
علی سروری احمد فاقد حسین حین امضاده بولنه مامشدر

اعضا اعضا اعضا

سعد سهررد موش سینوب

عبد الغنی حقی حامی

سلیمان سری بک (یوزغاد) — اقدام ! بنده کز مأمورین محاکمات انجمنی وهیئت قانوننه ذیل اولتور اوزره

ایکی ماده ک بر لایحه تقدیم ایتشدم . معلوم حالیکز ، هیئت انتخاب ایدیلان اعضا فلردن منحل وقوعنده مادون رأی اولان ذات قضائی اکمال ایدیوردی . و مجلس عالی ده بونی تصویب ایدیوردی . بنده کز قانونک مذاکره سنده بونی قرارله دکل ، قانونه ذیل اوله رق ، قبول ایدلم دیشدم . بریسی بولدی . ایکنجیسی ده ، کپنلرده هیئتک وظیفه سی ختام بولدی . برلینه ایکنجی بر هیئت انتخاب ایدیلنجه به قدر آزادان یکریمی کون کچدی . وظیفه معطل قالدی . ایشته بویه فعالیتده قاضیه به محل قائمق ایچون ، یکی هیئتک انتخابه قدر اسکی هیئتک وظیفه به دوام ایتسی ایچوندر . عدلیه انجمنی « التمزده کی قانونک برنجی ماده سی هیئتک قراویله تدوین ایدلشدر . ایکنجی ماده ختمنده ده هیئتک نه صورتله انتخاب ایدیلنجه کی قانونک مفاد ومندر جاننده موجوددر . بناءً علیه ؛ تکلیفک مذاکره سنده حاجت یوقدر « دیش . بنده کز عدلیه انجمننک شو مضبطه سنک غیر وارد اولدینی ادا ایدیورم . بناءً علیه ؛ عرض ایتدیکم وجهله شو یکریمی ، یکریمی بش کون ایچنده ؛ برنجی هیئتک مدنی ختام بولقدن صکره ، ایکنجی هیئتک انتخابه قدر وظیفه معطل قالیور . (موافق سستری ، رایه ، رایه سستری)

علی سروری افندی (قره حصار شرقی) — اقدام !

سلیمان سری بک ؛ تکلیفک برنجی ماده سنده دیورکه ؛ انتخاب اولان اعضادن منحل وقوعنده دهعا آز رأی آلانلردن اونستنده اعضا تعیین ایدلسون . بو ، حد داننده انتخاب اکثریت آرایه اقرانی لزوم قانونیسنه قارشی بر تناقض تشکیل ایدر . کرچه ، هیئت جلیله بونی بر قرارله قبول ایتشدی . فقط ؛ او قرارله قبول ایدیلنجه بولونک ادا مه سی محذوری داعیدر .

اولک ایچون بویه بر ماده قانونیه نک تنظیمه عدلیه انجمنی لزوم کورمدی . ایکنجی ماده سنه کلنجه ؛ سلیمان سری بک دیورکه ؛ « آتی ای مدتله انتخاب اولان هیئتک ختام مدتدن اول ، ایکنجی هیئت انتخاب ایدیلنجه به قدر ، اسکی هیئت ایفای وظیفه ایتسون » عدلیه انجمنی بونی ده غرضب بولدی . معلوم حالیکز ؛ انسانلر تجیب

اعتیاد لرہ تابعدر . اگر بویہ بر قیدی قانوناً قبول
ایدرسہک امین اولکمزکہ : آیلر کچہ جک : بوهیت انتخاب
اولنہ میہ جتدر . بونک چارہسی ؛ آتی آی دولمازدن اولر ،
یعنی یئینجی آیت ختامندہ ، مجلس عالیکز یکیدن انتخاب مباشرت
ایدرو آئینجی آی ختام بولور ، بولماز ؛ ایکنجی منتخب هیئت
تشکل ایدرک ، رنجی هیئندن دوراً وظیفہ سنہ باشلاز .
(دوغری سسلری) اگر بز بویہ قید قبول ایدہ جک
اولورسوق۔ کہ عرض ایتدیکم کی ایکنجی هیئتک آتی
آی ، حتی یدی ، سکز ، طقوز آی حتی ، برسہ ایفای
وظیفہ ایتسنہ امکان حاصل اولور . صکرہ قانونده کی
آتی آی مدت معینندن مقصدزائل اولمش اولور .
ایشته هیئت جلیله بونی نظر دقتہ آسون وهیئت جلیله
عرض ایتدیکم کی بر قرار ایله موقتاً قبول ایتدیکی بر
شکی قانونہ وضع ایتیم .

سلمان سری بک (یوزغاد) — شوخالده قانونہ ؛
مدت ختام واکانتدن برآی اول دیہ بر فقرہک قونمی
لازمکاور .

علی سروری افندی (قرہ حصار شرقی) — بو اداره
وتطبیقہ تعلق ایدن بر مسئلہدر . تطبیقک هر صفحہسی
هیچ بر قانونده کوند ترلز . و اساساً لزومی یوقدر .
بناہ علیہ ؛ مجلس عالی وظیفہ سنہ صاحبدر وصاحب
اولمایدز .

رئیس — اقدام ! عدلیہ انجمنی بویہ بر قیدک قانونہ
قونلامسی حقتہ مضبطہ ویریور۔ کہ تقریری رد
ایدیور . مضبطہی رأی عالیکز . وضع ایدیورم . عدلیہ
انجمنک رد یولتده کی مضبطہسی قبول ایدنر لطفآل
قالدیرسون ؛ (قبول ایدلمشدر اقدام)

اقدام ! قونہ استقلال محکمہ سنجه اوچ سنہ قلعه بندک
جزاسنہ محکوم ایدیلن بافرملی طلعت افندی حقتہ عدلیہ
انجمنی مضبطہسی وار .

عدلیہ انجمنی مضبطہسی

قونہ استقلال محکمہسی حکمیله اوچ سنہ قلعه بندک
جزاسنہ محکوم و بر بقی سنہ دنبری قسطنونی حبس خانہ سنده
موقوف بولنن بافرملی طلعت افندیک اختیاره والده سیله

اوچ چوجغنک قونہده پریشان بر حالده قالدیغدن اساساً
ارباب ناموسدن اولان مومی الیهک اکل ایلدیکی اون
بش ایلق حبس جزاسنک جزای کافی عدلیہ بقیه مدت
جزایہ سنک عفونہ دائر ارضروم مبعوثی صالح افندی
ورفقاسنک هیئت عمومیہ دن محول ۱۹ کانون نانی ۳۳۷
تاریخی تکلیف قانونیسی انجمنزجه مطالعه و اقباضی
مذاکره اولندی

محکوم مومی الیهک فرداً عفوی کی وقوعو لاجق
مراجعت واستعطاقک علی الاصول مرجعی اولان عدلیہ
وکالتنجه اجرامی ومقام مشار الیهکده عفوه مظهریت ایچون
یاہ جنی تعمیقات واستحصال ایدہ جکی معلومات ایله شرائط
غفوک تحقق حالده مجلس عالیہ عرض کیفیت ایتسی
اقتضا ایتکده ایسده تکلیف مذکورہ واضح الامضا اولان
ذواتدن بعضیسنک انجمن مذاکرہسی صیورسندہ مومی۔
الیہ طلعت افندیک عفت اخلاقیہسی وشخصاً نافع رضو
اجتماعی اولدینی ومحکومیت واقمہسی اوزرینہ افراد
عالمہ سنک پریشان بر حالده قالدیغنه دائر سرد ایدیلان
مطالعات حبسیله کیفیتک تقدیری هیئت عمومیہک نظر
تصویب وعاطقتنه عرض اولنور .

اعضا	مضبطہ محرری	عدلیہ انجمنی رئیس
جانیک	بیغا	روسہ
نافذ	حمید	امضادہ بولنہ مامشدر
		اعضا

موش سینوب قرہ حصار شرقی
عبدالغنی حتی حامی علی سروری
صالح افندی (ارضروم) — بک افندیلر ؛ بو
اورتده صاحبسز قالمش بر عالمہک حقوقک محافظہسی
ایچون بردوشونجه اوزرینہ ویرلمش بر تکلیفدر . شونیده
عرض ایدیم کہ : قونہ حادثہ عصیانہ سنده بعض اشخاص
توقیف ایدیور ، تهدید ایدیور ، بیلمم فلان . بومیانده
مأمورک بریسی بر بحر می قور تار مق ایچون بارہ آلمق سوداسنہ
دوشیور

حاجی شکری بک (دیار بکر) — بو آدم واسطه اولیور !
صالح افندی (ارضروم) — اقدام واسطهده بشقه

بر آدم . . . بو آدم ناموسلی بر تجار اولدینی حالده مسئله دن
خبردار اولمیه رِق، پاره بونک قاصه سنه امانته قونولور .
وبالاخره قاصه دن آلتور . بو آدمه استقلال محکمه سنده
سؤال ایدیور لر .

اوت ایلیک هیچ بر اماره اولمادینی حالده بنم قاصه بویه
بر پاره قویدیلر . صوکره آلوب کوتوردیلر دیور . بالکنز
بونک بوجوابندن دولایی محکوم ایدیور . فقط کویا ،
پاره قاصه سنه کیروب چیقدیغندن دولایی، بو آدمه بو
مسئله ده علاقه دار عدایدیور . . . حالوکه؛ بو آدمک
حیات خصوصیه سنه ، عالیه سنک موقع اجتماعه سنه واقف
اولان بر جوق آرقداش لر مز واردر . اجتماعیه خادم بر
آمدر . وشمدی بیه قدر بویه عادی بر مسئله اوزرنده
بیله ناموسی کیرلنمه مشدر . حتی بونی محکوم ایدن آرقداشلرده
دیدیلر که : واقما بزبونده فنا بر حال کورمه مدک . بو پاره دن
استفاده ایتدیکی ده بزجه محققدر . بو بر جهالتک قربانی
اولمشدر . فقط؛ بز محکمه آدمی بز؛ استقلال محکمه سنجه
بونک شوافاده سی اوزرینه ، بز محکوم ایتک طرفنی طوندق .
کندی سنک خصوصیتی ، جهالتی ، معصومیتی بزجه ده
ثابتدر ، دیدیلر . مسئله بوندن عبارتدر . مع مافیله ؛
بو آدم حقیقه ناموسلی بر آدمدر و عالیه سی ده پریشاندر .
مسئله نی لطف و عاطفته کززه ترک ایدیورم .

حافظ محمد بک (طربزون) — عفو قانونک تفسیرینه
متعلق عدلیه انجمنک بر مضطه سی وار . بو مسئله ده
او مضطه ایله علاقه داردر . اکر بو مضطه او قونورده
طرز تفسیره نظر آ ، بونلرکده عفو داخل اولدینی
آکلاشیلر سه ، بو مسئله نک آروجه مذا کره سنه محل
قالیه جقدر . اکر مضطه قبول ایدلنر سه بو آریجه مذا کره
ایدیلر . بنده کز بو مضطه نک تفسیره متعلق مضطه ایله
تو حیداً مذا کره سی تکلیف ایدرم .

عدلیه وکیلی رفیق شوکت بک (صاروخان) — اقدم!
اصوله دائر :

رئیس — بو یورک !
رفیق شوکت بک — اقدم! حافظ محمد بک بخت
ایتدیکی کبی مسئله نک، بو مسئله بیه تعلق بو قدر . خیانت وطنیه

قانونک تفسیرینه دائر اولان بو مضطه نک رشوته شمولی
بو قدر؛ بو مستقل بر مسئله در .

توفیق افندی (کنگری) — اقدم! صالح افندی نک،
بخت ایتدیکی طاعت بکی اوچ سنه یه محکوم ایدن هیئت
قونیه ده بنده کزکده بولندیغ هیئتدر . وطلعت بک اوچ
ذات ایله برابر محکوم اولمشدر . محکومیتک سببی ده حاجی
یشیل نامنده کی متههد سیف اللهک بر طاقم خیانت وطنیه
مظنونلرندن پاره آلوب و بونک مغازه سنده پاره نی
قویدقدن صکره پولیس مدیریته؛ مغازه دن آدم کیده رک
ارمظنونک چیقمنه سنه ، کندی سنکده واسطه ارتسکاب
ارلدیغنه سنه مزجه قناعت کامله حاصل اولمشدر . و صالح
افندی نک قناعتی ده ظن ایدر سه یا کلش آکلامق دولا .
یسیله ، هیئتک قناعتی خلافنه حکم ویرلشدر، طرزنده
بیانانه سبب اولدی؛ بویه برشی سولنمه مشدر .
یا کلشدر .

صالح افندی (ارضروم) — بویه دکل خواه افندی!
بن ، بر مصومی معصوم اوله رق ، استقلال محکمه سی
محکوم ایتمشدر دیمه یورم . استقلال محکمه سنجه بو آدم
پاره ایشدر . دیه قناعت حاصل اولمشیدر که؛ بو آدم
جهالتک قربانی اوله رق قاصه سنه بویه بر پاره نک کیروب
چیقمنه دلالت ایتش، (کورولتور) مساعده بو یورک .
صوکره استقلال محکمه سی (آ یاق پاطر دیلری) صوکره
استقلال محکمه سی ده بو آدمک صمیمیتی دولا یسیله
و آکلامیه رِق قاصه سنه پاره قویدیفنی آکلامشدر . باشقه
برشی بو قدر . وطلعت بک بو پاره دن استفاده ایتدیکی
انجمنده ده ، استقلال محکمه سی رئیسی اولان ذات ؛
سولدی و بویه بر صمیمیت دولا یسیله خطا ایتمشدر .
بیلیمه رک یا مشدر . دیدی . . .

عدلیه وکیلی رفیق شوکت بک — اقدم! بنده کز
بودانه عاند عفو ک موافقت و عدم موافقتدن بخت ایتیه جکم .
فتحه؛ بویه کندی مزک طانیدیغمز هر هانکی بر محکومک،
حیات خصوصیه سی نظر دقه آله رق، و شخصاً مربوط
اولدیغمز حسیاته تبعاً عفو نی تکلیف ایدر سه ک موضوعات
قانونیه نی اورته دن قالدی رِمق لازم کلر . اونک ایچون
مسئله نک؛ بو ذاک عفو ی و یا عدم عفو ی جهتن دن دکل؛

بویله تکلیف لکړه رأساً مذا کره می جاژ اولوب اولیبه جنی جهندن محاکمه ایدلمسی لازمدر . تکلیف، بنده کزجه خلاف قانوندر .

علی شکری بک (طرزون) — رئیس بک ! سوز ایسته مشدم .

رئیس — افندم ! مذا کره نک کفایتی حقنمه بر تقریر وار ...

صلاح الدین بک (مرهین) — عدلیه وکیلنک مطالعه سنک رایه وضعی لازم کلیر .

علی سروری افندی (قره حصار شرقی) — افندم ! آرقداش لر حقوق ذاتیهرینه استناداً بویله بر عفو تکلیف

ایدیورلر . اساس اعتباریله عفو تکلیف ایدیلن ذاتک عفو ده موافق اوله بیلیر و بلکه ده اوادم شایان مرحتدر . فقط ؛ معلوم عالیکنز بوکبی خصوصاً ده ،

مجلسک ؛ حس مرحتدن زیاده فکر عدالته تبعیت ایتمی لازمدر . (بر او و صدالری) و معلوم عالیکنز ،

تکلیف اولناغ عفو، بر عفو خصوصیدر .. عفو خصوصیلر عفو عمومیلر کی بر معامله سیاسیه دکل، بر معامله عدلیه در .

یعنی عدلیه و کالندن اصولاً لازم اولان معاملاتک اجراسندن سوکره ، قرار ایچون بو مجلسه کتیراسی لازمدر . مادامکه

شویله، شویله بر طاقم اسباب کوندرلک صورتیله بونک عفو مظهریتی آرقداش لر تکلیف ایدیورلر . اونک ایچون،

عدلیه انجمنی مضبئه سنک برنجی قره سندن آکلاشیه جنی اوزره وانجمنک تبارزایدن فکری وجهله، بو اوراق عدلیه

وکالته تودیع بویورولسون ! عدلیه وکالتی ده محلنه یازسون که : اسباب خصوصیه ، یعنی عفو خصوصی بی

قانوناً ایجاب ایتدیرن اسباب موجود میدر ؟ اکر موجود ایسه، محلندن اصول و تعاملنه توفیقاً، پایتیه حق مضبئه و اوراق

عدلیه وکالته کوندریلور ، و عدلیه وکالتی مجلس عالی به تودیع ایدر . بناء علیه ؛ بویله اوفق تفک مسائله — یعنی کلی و عمومی

مسائل اولمازسه — مرعی اولان اصول و قوانینمزی زیر وزیر ایتزسه کدها ای اولور . [مذا کره کافی صدالری] (کوروتولر)

رئیس — مذا کره بی کافی کورنلر اللرینی قالدیرسونلر ! [مذا کره کافی کورلدی]

علی شکری بک (طرزون) — رجا ایدرم رئیس بک ! بویله عدالتسزلک اولیور ..

صالح افندی (ارضروم) — مجلس عالیدن رجا ایدرم که : بویله بر مسئله دن

رئیس — افندم ! مذا کره کافی کورلدی . صالح افندی (ارضروم) — مجلس عالیدن بویله ۳۰

۴۰ ایش چیقمشدر . بویکی برایش دکل که : .. رئیس — افندم ! ایکی تکلیف وار : بریسی عدلیه

انجمننک مضبئه سی که : مسئله ؛ دوغریدن دوغری به مجلس عالینک تقدیرینه محول .. برده حافظ محمد بک افندینک تکلیفی وار ..

علی شکری بک (طرزون) — افندم ! بنده کزده حافظ محمد بک فکری وجهله ربطاً و توحیداً مذا کره سی طلب ایدیورم .

رئیس — افندم ! مساعده بویوروک ! بر کره تبلیغ آیدیم . عدلیه انجمنی مضبئه سی، مسئله بی هیئت و مویه نک

تقدیرینه بر اقیور . حافظ محمد بک ده، در دست مذا کره اولان تفسیر قانونیله بو مسئله نک علاقہ سی وارددر . مذا کره نک

و قانونه تابع اولسنی تکلیف ایدیور . سروری افندینک تکلیفی ده اوراق عدلیه وکالته تودییی حقنمه در .

یوسف ضیابک (بنلیس) — افندم ! بنده کز علی سروری بک تکلیفه عائد معروضاتده بولنه جف :

حکم ویرن استقلال محکمه سیدر . استقلال محکمه لرینک بر عدلیه وکالتی یوقدر افندم . عدلیه وکالتی ، محاکم نظامیه به عائددر .

رئیس — افندم ! مسئله مستأخره اوله رق، حافظ محمد بک تکلیفی رایه قویورم .

علی سروری افندی (قره حصار شرقی) — رئیس بک ! حافظ محمد بک تکلیفی اوزرینه ایکی کله سویله مه مه مساعده بیورورمیسکنز ؟ (کوروتولر)

رئیس — مساعده بویوروک ! بو حکمک تفسیر ایله علاقہ سی اولدیغندن تفسیر قانوننک مذا کره سنه تأخیری

تکلیف ایدیور . تفسیر قانونه ربطاً تأخیر مذا کره سی قبول ایدنر لطفاً اللرینی قالدیرسونلر ! (قبول ایدلمدی افندم)

مضبئه نک عدلیه وکالته تودییی قبول ایدنر لطفاً اللرینی قالدیرسونلر ! (قبول ایدلمشدر افندم .)

افندم ! خیانت وطنیه جرمیله مظنون فیکه قضایسی
مدعی عمومی سامی افندی حقنده کی اورا قک مرجع
قانونیسنه تودیسنه دائر عدلیه انجمنی مضبطه سی وار :
عدلیه انجمنی مضبطه سی

خیانت وطنیه جرمندن دولایی مظنون علیه اولان
قوزان سنجاغنه تابع فیکه قضایسی مدعی عمومی سامی
افندینک لوی مذکور بدایت محکمه سننده جریان ایدن
محاکمه و جاهیه سی نتیجه سننده خیانت وطنیه ماهیتده بر
جرمه جرائی آکلاشیله مادیغندن برائنه و آنجق انضباط
وامنیت مملکته تهلیکه ایرات ایده جک صورتده مجمع ناس اولان
محللرده ایراد کلام ایتمسندن ناشی علیهنده بشقه جه تعقیبات
ایفاسنه دائر صادر اولان حکمی حاوی ۷ تشرین اول ۳۳۷
تاریخ و ۱۲۵۰ نومرولو اعلام و تفرغاتی هیئت عمومی دن
انجمنزده حواله بویورلمقله بالتدقیق ایجابی مذاکره اولندی .
مندرجات اعلامه نظراً مظنون علیه سامی افندی به عطف
ایدیلان جرمک ماهیتده خیانت وطنیه عد اولنه بیله جک
اوصافک تقدانی حسبیله بو جهندن برائی واجتسارات
واقعه سی فعل عادی درجه سننده بولندیغنی جهتله بو نقطه
نظردن مومی الیه حقنده تعقیبات ایفاسی قرار کیر اولمش
وشو حاله کوره قرار متخذک علی الاصول انفاذی مقتضی
بولمش اولغله بوسیدن ناشی اوراق مودوعنک مرجع
قانونیسنه تودیسی لزومه متفقاً قرار ویریلدرک هیئت عمومی نک
نظر تصویبنه عرض اولنور .

اعضا اعضا مضبطه محرری انجمن عدلیه ریسی
سینوب جانیک بیغا حین امضاده
حق حامی نافذ حمید بولنه مامشدر
اعضا اعضا اعضا
قره حصار شرقی سعرد موش
علی سروری عبدالغنی
رئیس — عدلیه انجمنی نامنه ایضاحات ویریله جکمی ؟
(حاجت یوق سسلری)

افندم ! عدلیه انجمنی مضبطه سننده ، سامی افندینک
خیانت وطنیه سی ثابت دکلدرد . یالکیز مأموریتده متعلق
بعض مسائل واردر . بو جهندن اوراتی مرجع قانونیسنه
تودیغ ایدلسون دییور . (موافق صدالری)
عدلیه انجمنی مضبطه سن قبول ایدنلاری قالدیرسونلر !

(قبول ایدلمشدر) .

افندم ! مبعونلرک متعهدک یا ماملرینه دائر برقرار
واردرد ، او اوقونه جقدر :

ریاست جلیله یه

مجلس عالی اعضا سنندن اولان ذواتک متعهدک ایتمزده
موقع و صلاحیت نقطه نظرندن موافق دکلدرد . نه قدر
ناموسکارانه ایفای تعهداتده بولنسه لرده ینه حائر اولدیغنی
صفت و صلاحیت اعتباریله مقاوللری اوزرنده هر حالده
اجرای تأثیر و نفوذ اتمسی کی برطاقم کفتکولری موجب
اولمقده اولدیغندن صیانت شرف و حیثیت نقطه سنندن
(متعهدک) دن منعی حقنده هیئت جلیله نیک بر قرار
اعطا و اتخاذی تکلیف ایلم . ۱۸ شباط ۳۳۸

قره سی

عبدالغفور

رئیس — افندم ! دیاربکر مبعوثی حاجی شکری ،
یوزغاد مبعوثی سلیمان سری بکلرله رفقاسنک و قیصری
مبعوثی عثمان بکلده عین مآلده تقریرلری واردر .
عدلیه وکیلی رفیق شوکت بک — افندم کچن کون بو
مسئله یی ده هیئت محترمه یه عرض ایتمشدم ..

عبدالغفور افندی (قره سی) — بیاناتکزنه صفتله در ؟
لطفاً آکلا یا بیلیرمی ز ؟

رفیق شوکت بک (دوامله) — بو مسئله ده بر
بر مبعوث صفتیه .. شمعی افندم کچن کون دهنده کز
هیئت علیه کزه خاطر لایتمشدم که ..

صلاح الدین بک (مرسین) — خاییر . خلافتده
سویله مشدی کز ؛ عدلیه وکیلی صفتیه آوقاتلغک منعی
علیهنده کچن سفر بیاناتده بولنورکن ، تکلیفک خلافتده
اداره کلام بویورمشدی کز . بنده کزده ، مجلس عالی نیک بو
خصوصده ویره جکی قرار اوزرینه ، ذات عالی کزک صفت
و وضعیتکزنه اولدیغنی آکلامق ایسته مشدم .

رفیق شوکت بک (دوامله) — افندم ! بنده کز
کچن سفر درمیان ایتدیکم مطالعه ده ، مسئله نیک واردر
اولدیغنی و آنجق قانون لازم اولدیغنی سویله مشدم . بناء
علیه ؛ تکلیفک مدافعی دکلدرد ، علیهنده بولندیغ ذهابکز
یا کاشدر .

افندم ! متعهدك مسئله سنك ده و كالتك ممنوعيتي
 الحجاب اي دن صفت دو لايسيله ، ممنوع اولسي طبيعيدر .
 فقط ؛ هيئت حترمه به برشي عرض ايتك ايسترم كه : استانبولده
 منشكل مجلسده بيله امتيازات مسئله سي ؛ يعني مبعوثلر
 اوزرنده صفت اجرائيه بولنديني زمانده بيله ، امتياز الملق
 مسئله سي موجود ايدى . اولاً بو نقطه سي خاطر لائق
 ايسترم . ثانياً ايكنجى بر نقطه سي ده خاطر لائق ايسته .
 بورم كه : شايد شمدي به قدر بر تعهد ايفاسي صورتيله
 بو مقاوله نامه باعلائمش . . و كنديسنه حقيقه دوات و ملت
 ايچون نافع تعهدات حواله ايدلمش متعهدلر وار ايسه بونلري ده
 دوشونك لازمدر .

صلاح الدين بك (مرسين) — انقضاي مدته قيدر
 تاخيري لازمدر .

رفيق شوكت بك (دوامله) — بنده كز بونك قبولندن
 سوكره تعهدك معتبر اولماسني تكليف ايدسيورم .

سليمان سري بك (يوزغاد) — افندم ! بنده كز كده
 عين مألده كي تقريرم مقام رياستن شمدي او قوندى .
 معلوم عاليكز ، ولايت مجلس عمومى اعضالى متعهد ،
 ملتزم اوله مازلر . بناء عليه ؛ او مجلسك قات قات فو قنده
 اولان بويوك ملت مجلسي اعضالرينك ده طبيعيدر كه :
 ملتزم و متعهد اولاملري لازمدر . سوكره معلوم عاليكز
 شو صيرده بر تقليات عسكريه مسئله سي چيقمشدر .
 عسكري تقلياتي ده تعهده كيريشيورلر . بش دويه بر
 نفر تاجيل اولونيور . خارجدن مشتري بولبورلر . بيك
 ليرا پاره سنى آليورلر و او آدم نامه وثيقه آليورلر . يعني
 دوه جيلانكده استخدام ايدلسه بيله دوه ي اولدير مكدن
 باشقه فائده سي اوليه جفني متعهد دوشونيور . بونك ايچون ،
 يالكز پاره سنى آليور . بنده كز صورت خصوصيه ده
 كنديسنه عسكركك توجه ايتديكي حالده صرف منفعتي
 ايچون چالیشان بر آدم ايله كورشدم و بو ناصل اوليور
 ديدم . دييور كه : بش دويه بر آدم ، اون دويه ايكي آدم
 تاجيل اولسيور . بو صورتله بز بر ايكي آدم تاجيل
 ايتديريورز . يالكز اوندن پاره آليورز ، اونك يرينه
 سياتى دوه جيلانكده كير مش ۶۰ - ۷۰ ياشنده باشقه بر آدم قوياورز .

تاجيل اولنان آدم نامه ايشلر و او ته كي آدم دن يالكز پاره آليورز .
 وثيقه سنى و يررز . او آدمده ايشنده قالير . چونكه :
 دوه نك يانه او غرامسى جائز دكندر . دوه نك ديلندن
 آكلماز دييورلر . از جمله كچن سنه بنده كز انقره ده
 بر بوستاخييك باغنى ، بغچه سنى صانه رق ، متعهد پاره
 ويرديكنه مطاع اولدم . بو آدمك متعهد بيك ليرا
 پاره سنى آلمش ، بنده كزه طائيشيورلر . بويله بر پاره
 ويردك عجب ؛ سوكره بونك عكسي ظهور ايدرده بخ عسكركر
 ايدرلرمي ؟ ، ديه ؟ بناء عليه ؛ بونلر سوه استعمال
 ايدسيورلر . بوكا قطعياً مانع اولمق لازمدر . استانبولك
 واغون ، واغون شكر صاتان مبعوثلر بنه رحمت او قوتدرميه لم
 « براو سسلرى »

طونله حلمى بك (بولى) — آرقداشلر ! مسئله نك
 غايت نازك بر جهتي وار كه : اوده احوال حربيه
 دو لايسيله ، عجب مجلسده كي آرقداشلر مزدن بريسي
 چيقوبده جداً ظفري تأمين ايدنه جك عواملدن بريسي
 ميدانه كتره جك اولور ايسه بوكا نا جواب ويره جكسكز ؟
 نيل افندي (قره حصار) — اوكا مش چاوش
 جواب ويرسون .

نجيب بك (ارطغرل) — مجلسده كي وظيفه سنى
 كوزلجه ايفا ايدرسه كافيدر .
 طونله حلمى بك (دوامله) — بياهم . فقط ؛
 حسياتكزه مغاير بر فكر ايله بورايه چيقدنغيمى و بوراده
 بويله مقابله كوره جكمي قطعياً بيلمش بر حالده كرسى به
 چيقدم . « نيچون چيقدك سسلرى » بو ايجه
 نقطه به غايتله درين بر صورتده دقت بويورولسون .
 اوله بيلير كه : ظفر و احوال دو لايسيله بر خطاده بولنه بيليرز .
 عبدالغفور افندي (قره سي) — افندم ! كچن كون
 آرقداشم بصري بك افنديك مبعوثلردن دعوى و كالتى
 درعهده ايدنارك و كالتندن منى حقنده كي بياناننده ده عرض
 ايتديكي وجهه هيئت جليله كز معلوم عاليزى اولديني
 اوزره ، اجرائى و تشرى صفت و صلاحيتى حائزدر . و معناً
 مسئول ايسنه ماده غير مسئولدر . شمدي هيئت
 جليله كز آراسنده بولنان بعض ذواتك تعهداته كيريشملى

بنده كز چه ، فكر و خاطر آنچه ، بر چوق محذوری یعنی هم مادی ، هم معنوی ، هم مالی محذور لری وارد .
 برنجیسی بوعهدات معلوم عالیتری اولدینی اوزره ، مناقصه لراه
 او ایور . مناقصه لراه اجرا اولور کن قارشوسنده او مناقصه یه
 اشراك ایدن معنوی کورن دیگر بر طالب جرأت ایدوبده
 مناقصه یه اشراك ایدم ایور (دوغری سسلری) ایکنجیسی
 معهد اولان ذات ، کرک تمهداتی تماماً ایفا اتمش بولسون ؛
 و کرک قسماً ایفا اتمش بولسون ؛ قارشوسنده کی و کیلک
 آرقداشی اولوق دولایسیله تمهد ایتمیکی امواک بدلاتی
 تماماً استیفا ایدیور . خارجده کی آلامایور ، بر ، ایکی آی
 بر چوق دیدی ، قودی او ایور . اوچنجیسی : هیئت
 و کیله ده بولنان آرقداشکنز مثلاً : مدافعه ملیه و کیلی
 اولان ذات ، ینه دیگر آرقداشلر مزدن بر یسنت بوله تمهداته
 کیریشدیکنی کوردیکی وقتده سکوت ایتمه یور . فقط ؛ ممکن
 اولدینی قدر بو حسدن کنذینی منع ایدمز وطیبی منع
 ایدمز . بناء علیه ؛ « من کل الوجوه » محاذیری موجب
 اولان بوعهداتک منع ایدلسنی بنده کز صورت مخصوصده
 تکلیف ایدرم « دوغری سسلری » عدلیه و کیلی رفیق
 شوکت بك اقدی استانبولده مجلس مبعوثان اعضا رینه
 امتیاز ویرلدیکندن بحث ایتدیله . او مجلس ایله بو مجلس
 بر دفعه قابل قیاس دکادر . اوراده صفت اجراییه یوقدی .
 ایکنجیسی اورامی مستمراً دکلدی . اوچنجیسی :
 ویرلن امتیاز لر عیجا مملکت ایچون سعادتیی موجب اولمشدر ؟
 فلاکتی اولمشدر ؟ فلاکتی موجب اولمشدر . بر چوق
 محذوری وارد . بناء علیه ؛ اعضای کرامتک تمهداتدن
 معنی تکلیف ایدیورم . کرچه آرقداشلر مزه فارشی
 بر سوء ظنمز یوق . فقط ؛ بونلر تمهد اولدقجه ، حازر
 اولدقاری صفت و صلاحیت اعتباریله ، هر حالده قارشوسنده
 کیلرک اوزرینه نفوذ ایدم بیلمه سی نقطه نظرندن ، مملکت ده ،
 خزینه ده بوندن متضرر اولور . بو اعتبارله معنی تکلیف
 ایدیورم .

حمدی نامق بك (ایزمیت) — معلوم عالیکنز بو
 بر تکلیفدر . هیئت جلیله قبول ایدر سه لایحه انجمنه کیدر .
 آندن سوکره مذاکره ایدرز . (خاییر سسلری ،
 کورولتیلر)

علی شکری بك (طرزون) — اقدیلر ! مبعوثلرک
 معهدلک یا بقدن منع ایدلسنی حقنده آرقداشلر می تقریر
 ویرمهک سوق ایدن اسبابی هممز تقریر ایدیورزه . بواسباب
 نه قدر چیرکین ایسه ، بنده کزک قناعتجه معلوی بر فکر
 ایله بورایه طویل اتمش اولان ارقداشلرک بر قسمی ،
 فنا اخلاق دیمه ییم ، فنا وصفارله مذاکره ایتمککنمز
 او قدر چیرکینلکدر . یالکنز اگر اوزره یرده بر فائق
 وار ایسه ، اقدیلر ! قونظرول حق بزمدر . قونظرول ایدم
 و یا قالا دیغمز بر آرقداشی تجزیه ایتمه مملکت ایتمم . لازم
 کن جزایی ویردم . (کورولتیلر) مساعده بوبوزک
 یاسیلان فئالقلری معترقم . بوندن بنده متاثرم . یالکنز
 شمدی بر تقریر ویرلدی و قبول ایدیله جک . فرض ایدم ؛
 قبول ایدلدی . عیجا بوکا مانع اوله بیله جکمی بز ؛ هیچ
 و قطعاً اقدیم (کورولتیلر) امین اولکنز ؛ بو طرزده ایش
 کورمک ایستینلر دهاسر بست ایش کورم جکلر . چونکه ؛
 اوزمان کندی نامنه دکل بشقه بر یسنی توکیل ایدرک بواپشی
 یا به جق . سوکره آرقداشلر مزدن معهدلک یا بانلرک
 هپسی شوملکنک قانی املک ایچون معهدلک یا بیورده کادر .
 نجه بو عملکنک قانی املک صورتیله معهدلک یا بانلر
 وقتیله اردوده یا ایش اولدینی فئالقدن دولای طرد
 اولنلر ، علاقیمی صرف معده سی ایله اولانلر در .
 ایجاب ایدر سه مثال کوستریرم . ذاتاً هیئت علیه کز
 حضورنده ، مدافعه ملیه و کیلی پاشا جضرتلری حضورنده
 اسم تصریح ایتمشدر . اوزمان سویلمشدم . او آدم
 حالا ایش کورم کده در . اسمنی علی اوله رق سویلدم .
 و بر شی یا بیلمدی . شمدی هیچ ظن ایتمه یورم که ؛
 آرقداشلر مزک ایچروسنده بودر جهده یعنی آچیجه بن
 پاره قازانوب آچیجه یمک ایسته یورم دین بولسون .
 آرقداشلر مزک هپسی مملکتته مربوطدر و بو اعتبارله مملکتته
 معده سیله مربوط دکادر .

لطیف بك (ملاطیه) — در تیوز بیک ایرانی اختلاس
 ایدنلر بوراده ایچمزده در .
 علی شکری بك (دوامله) — او یله ایسه آچیق
 سویله یك ، اونک ایجابنه باقالم .

لطفی بك (ملاطيه) — تحقيق ايديليور افندم !
 على شكرى بك (دوامه) — اونك ايجاب ايدن
 جزاسنى ويرم . شمدى باقكز بومسئلهلر چيقيقه
 اوقداشلردن رجايديرم ، ريسى ديوركه : دو قورلرى ده
 منع ايدم . يارين محررلرى ده منع ايدم . چكز ، معلملى ده ..
 (خاير سسلى) بناء عليه ؛ شمدى وره چك اولديغمز
 بر قرارك بر فائده عمليه سى اولمى . بو طرزده تمهداتده
 بولنه جق ذوات يته عين تمهداتده بولنه جقدردر . فقط ؛
 كندى اسى ايله دكل ، بشقه بر نام ايله ياپه جقدر واوزمان
 دها سربست سويله يه چك . چونكه ؛ كندى نامنه پاره
 ايسته ميه چك . بشقه سنك نامنه پاره و يرلديده چك . حتى
 اوزمان امر ايدم . چكدر بيله . كندى نامنه اولورسه
 بيلكه اوتانير . لكن بشقه سنك نامنه در . بونى نظر دفته
 آلك . رجا ايدم ! بجه مستنا اولان بر قاج
 مسئله . ايجون قانونلر تدوين ايميه لم . يالكز
 وظيفه مراقبه مزى حقيه ايفا ايدم . فسالق
 هانكي مسئله ده واردر ؟ اوتى ميدانه چيقارم .
 ايكيده برده آوقانلر ايجون ، دو قورلر ، مملر وسارنه
 ايجون هر كون قانون تدوين ايميه لم افندم ؛ ايشمز چوقدر .
 مهم ايشلر مزى چيقاره مدق ، بونلرى دوشوندم ، عادى
 مسائل ايله اوغراشميه لم .

سايان سرى بك (بوزغاد) — او كجى ايشلرله
 اشتغال ايتديكمز ايجون مجلسده كى وظيفه مزى منتظما
 ايفا ايدم . دوام ايمورلرده اونك ايجون يايورز .
 حيثت ، شرف مجلسك اوليور .

توفيق رشدى بك (منتشا) — ارقداشلر ! مجلس
 انسانلر كدوشونجولر ننده كى ياكش استفاده ي آرهدن
 چيقارمغه باعث اولديغندن دولاي تشكر ايدم .
 بومسئله دن كندى شخصى حسياتم نقطه نظرندن او
 قدر ممنونم كه : هر حالده حكومتله تجارت ياپمك آجى
 خاطر لرى دوشونديجه بو خصوصده تيزمه ممك
 قابل دكلدر . يالكز تمهدلك حكومتله تجارت
 اساسه مستند اولنجه بو پرسيد داخنده يالكز
 تمهد دكلر ، برده امتيازات مسئله سى واردر . بر مبعوث
 امتياز آلق حقى حائر اولاجقمى ؟ تقريرك مؤدا سندن

اكلا ديغمه كوره صاحب تقرير ؛ اجرائى و تشريعى صلاحيتى
 حائر اولان مجلسمز اعضاسنك حكومتله تجارت ياپمامسنى ،
 استفاده ايمه مسنى ؛ مملكتمك و ملتك . بوتون ايبلكلر ينى
 دوشونوركن هيچ منفعت حسيله متحسس اولمامسنى
 دوشونيور . فقط ؛ تمهدلك دينجه ايش قيصه و بسيط
 قاليور . انك ايجون عز مزده دوام ايمكله برابر ، بو عي
 منتظم و نوار بر صورتده اولق شرطيله تعين ايدم بيلمك
 ايجون على المعجله وحتى بوكون نتيجه سنى مجلسمز كيتيرمك
 اوزره ، تكليفك بر انجمنه حواله بيله اطرافلى بر قانون
 تهريرى موافق اوله جنى قاعتمده م . بو قبول ايدلر سه
 هيچ اولماز سه امتيازات كلمه سنكده تهريره علاوه سنى
 تكليف ايدم . (اوده دوغرى سسلى) امتيازاتك
 علاوه سنى شرطدر .

حسن فهمى بك (كوشخانه) — افندم ! امتياز
 مسئله سى حقنده قانون واردر . مبعوثان و اعيان امتياز
 آلاماز . (آليورلر سسلى) خزينه دن تأدياى مستلزم
 تمهداتله كيريشه مز . يالكز هيئت و كيله نك مساعده
 و موافقت اولورسه اداره مركزيه لرده خزينه دن تأدياى
 مستلزم اولان تمهدات يابيله بيلير . موضوع بوموضوعدر .
 توفيق رشدى بك (منتشا) — خاير ! ريس بك !
 مادامكه مانع قانون بو قدر هر شى آلا بيلير . (مذاكره
 كافي سسلى)

ريس — افندم ! مذاكره نك كفايتى حقنده اوچ
 تقرير وار .

مصطفى بك (درسم) — افندم ! مساعده ايدك
 بش دقيقه عرض ايدم . افندم ! شمدى ديكله مزسه كز
 اولماز . دوه مسئله سى بوملك رو حيدر . ملت بوكون
 (۱۱۰۰) دوه طوبلادى ، بورايه كتيردى . اينه بوليدن
 بوكون كنگرى به جبخانه چكيور . بركونده بولاطلى به
 (۷۰۰) دوه كيديور . وبونلرله دانما جبخانه و ايشاي
 عسكر به سوق ايديليور . (كورولتيلر) مساعده بيوركه .
 بويه يته سفر برلك كجى اوله جق ايسه ، مقصد بويه
 دكلر (كورولتيلر) آراهه ، وسائط نقليه ي حساب ايدك .
 بر كيلوى قرق بش غروشه كتير بورلر . قبرشهرندن ، سكره
 اينه بوليدن بر كيلوى قرق بش غروشه كتير بورلر . بوكون بو

دوه لر اینه ب لیدن بورایه بطلماتی طقسان غروشه کتیریورلر
رجا ایدرم . یاز بقدر بوملته . بونلری ویرم . اکر بو
قوملر اته آلمانزه (کورولتیلر) بوملنک لارندن بونلری
جبراً آله جقلر ، محو ایده جکلر ، دوه لرده بته جک . رجا
ایدرم : مسئله یی اکلایک . صکره حکم ویرک .

سلیمان سری بک (یوزغاد) — دوه قالقسون
دیوروز . یالکز آرقداشلریمز متمهدلک ایتسئونلر
(یا کلش اکلامشسک سملری) (کورولتیلر)

صطفی بک (درسیم) — اقدم ! بوکون بتم دوه م
وار . دوه لریمی جبراً آلیسورلر . تعهد ایده جکم که بن
دوه یی قورتاره م . رجا ایدرم .

حاجی شکر ی بک (دیار بکر) — تمهد ایتیمه جکسک !
مصطفی بک (درسیم) — مالی الیمده براقبورلر .

اکر بئش ، اون موجود دوه یی اولدیرمک ایسته یورسه کز
ینه بوجلس مایونلرجه وسائط قلیه پاره سی بوردیکی حالده
ینه براشیا کتیرمک ایسته میورسه کناهی سزک بونکزه ؟

سوء استعمال یایدیرم ایسته یورسه کز اونکده کناهی
عمومکزک بویننه اولسون . (مذاکره کافی صدالری)
جلال نوری بک (کلیولی) — بنده کز ایشک
نه لهنده سویلیه جکم ، نه علمبنده . فقط استرحام ایدرم .

مسئله بک مهم . بویله علی القورر برجلسده حل ایدیله مز .
طونه لی حلمی بک (بولی) — مدافعه ملیه وکیلنک
مطالعه سی ده آلملیدر .

جلال نوری بک (کلیولی) — بو مجلسنک ایکی
ماهیتی واردر . سوزیمی کسمه یک اقدم ! بریسی تشریحی ،
دیگری اجرائی . تشریحی ماهیتی حائر اولان مجلسلر آز
زمان ایچون طولانییر . بو مجلسک امضاسی هر شعبه یی
تمیل ایدر . چفتجیبسی ، آووقاتی ، حکیمی ، هبسی بو
مجلسده بولتور . یعنی انسان مجلسه باقارسه ملنک کوچک
بر عینی کوریر .

عبدالغفور افندی (قره سی) — او تمیل مسلکیده
اویلدور .

جلال نوری بک (کلیولی) — یعنی هر درلو طبقه
مجلسده تمیل ایدلملیدر که : هر طبقه نک منافعی ؛ ملنک
منافعی مدافعه ایدیله بیلسون . و بناء علیه ؛ ملنک منافع

عمومیه سی نظاهر ایتسون . اکر هیئت تشریحیه اعضاسی
برطاقم حرف و صنایع اربابی اولمازسه مجلس بر طاقم
مأمورلردن مرکب اولور و هر کیم مأموریت و یا بمعونلق
آیلغندن باشقه برشیله کفاف نفس ایده مزسه اورایه کیره مز .

لطیف بک (ملاطیه) — حرف و صنایع اربابندن اولمق
بشقه ، تعهد مسئله سی بشقه بک افندی !

جلال نوری بک (کلیولی) دوامله — مثلا ؛
دعوی و کیلیری کبی ، دو قورلری ده داخل ایده جک
اولورسه کز (خایرسلری) او حالده مملکت تمیل ایدلر .
ویالکز اورایه آیلق آلمق ایستین آدملر کیرر . لهنده
و علمبنده سویلیه جکم اقدم ! بوراده ایکی نقطه نظر واردر .

نبیل افندی (قره حصار صاحب) — یالکز آیلق
آلمق ایچون شو مجلسه کیمسه اشتراک ایتیمه مشدر . دیگر
بر طرفی مدافعه ایده می دیرکن بوتون اعضالری تبقید ایتیمک
افدم ! رجا ایدرم .

جلال نوری بک (کلیولی) — نتیجه ده محق بر
دعوام وارکه : امینم قبول ایده جکسکز . اکر مجلسده
هر طبقه خلق تمیل ایدلرزه او مجلس بر طاقم آدملردن
مرکب اولورکه : اونلرک صفتلری ، صنعتلری ، ماهیت
اجتماعیه لری ندر ؟ اونی بیلیمک لازمدر . مسئله ده
بو یو کدر ، دها عمومیدر ، یارین تمهدر او برکون معلمدر
کبی برشی اولور . بناء علیه ؛ بوتون حرف و صنایع
مسئله سی بردن حل ایتیمک لازمدر . اکر بو مجلس ماهیت
تشریحیه یی حائر بر مجلس ایسه بر قاچ ایی انقاد ایدر .
اوندن صوکره داغلییور . او آشاده اعضا بشقه بر ایش
کورمسون دینلیرسه چوق غریب اولور . فقط مجلسک
بر ماهیت اجرائیه سی واردر .

نبیل افندی (قره حصار صاحب) — مأمورلر تمهد
اولورمی ؟ اولامازمی ؟ بوکا جواب ویریکر .

جلال نوری بک (کلیولی) — بزم بوراده حکماً
بر آزده مأموریت حتمق وارمی ؟ بناء علیه ؛ نقطه نمت
کریزکا هنده ده عرض ایتدم که : بو مسئله علی القورر حل
ایدیله جک بر مسئله دکلدور . ایشی اولا بر انجمنه حواله
ایدوب بونک محاذیری ندر ، اوراده تدقیق ایتدیروب
بیلیمک لازمدر . (کورولتیلر) اوندن صکره اقدم !
حرف القلم تمهدلک منع ایدیله مز ، بونک مواضعه سنه قارشو

جلال نوری بک (کلیولی) — نتیجه ده محق بر
دعوام وارکه : امینم قبول ایده جکسکز . اکر مجلسده
هر طبقه خلق تمیل ایدلرزه او مجلس بر طاقم آدملردن
مرکب اولورکه : اونلرک صفتلری ، صنعتلری ، ماهیت
اجتماعیه لری ندر ؟ اونی بیلیمک لازمدر . مسئله ده
بو یو کدر ، دها عمومیدر ، یارین تمهدر او برکون معلمدر
کبی برشی اولور . بناء علیه ؛ بوتون حرف و صنایع
مسئله سی بردن حل ایتیمک لازمدر . اکر بو مجلس ماهیت
تشریحیه یی حائر بر مجلس ایسه بر قاچ ایی انقاد ایدر .
اوندن صوکره داغلییور . او آشاده اعضا بشقه بر ایش
کورمسون دینلیرسه چوق غریب اولور . فقط مجلسک
بر ماهیت اجرائیه سی واردر .

نبیل افندی (قره حصار صاحب) — مأمورلر تمهد
اولورمی ؟ اولامازمی ؟ بوکا جواب ویریکر .

جلال نوری بک (کلیولی) — بزم بوراده حکماً
بر آزده مأموریت حتمق وارمی ؟ بناء علیه ؛ نقطه نمت
کریزکا هنده ده عرض ایتدم که : بو مسئله علی القورر حل
ایدیله جک بر مسئله دکلدور . ایشی اولا بر انجمنه حواله
ایدوب بونک محاذیری ندر ، اوراده تدقیق ایتدیروب
بیلیمک لازمدر . (کورولتیلر) اوندن صکره اقدم !
حرف القلم تمهدلک منع ایدیله مز ، بونک مواضعه سنه قارشو

جلال نوری بک (کلیولی) — یعنی هر درلو طبقه
مجلسده تمیل ایدلملیدر که : هر طبقه نک منافعی ؛ ملنک
منافعی مدافعه ایدیله بیلسون . و بناء علیه ؛ ملنک منافع

نه پابه چسکوز؟ بناء عليه؛ بونی دوشونوب لهده وعلیه ده کی
سوزلری ده عریض و هیق حل ایدرک بو، قانون اساسی
انجمنه حواله ایدلرکدن سوکره برقرار ویرلمز ایسه
مخذور واردر . (کورولتور؛ خایر سسلری ، مذاکره
کافی صدالری) . . .

رئیس — افندم ! مساعده بویوریکز رجایدرم .
طونه لی حلمی بک (بولی) — رئیس بک افندی !
مدافعه ملیه وکیلی باشانک ده مطالعه سی آلملی ، (خایر
سسلری ، کورولتیلر)

علی سروری افندی (قره حصار صاحب) — افندم !
بو تقررک لهنده ، علیهنده اداره کلام ایدن آرقداشلر ،
تکلیتک قبولی تقدیرنده خارجه حاصل اوله جق شتون
ونتایجیدن بحث ایتدیلر .

بنده کنز آرقداشلرک تماس ایتدیکی بشفه بر نقطه نظر
اوزربنه مطالعه یوروتدم . هیمز بیایورزکه ، افندیلر !
ملت بزه شووظیفه نی تودیع ایتدیکی زمان حوله وکالتی
اوموزلرمزه بوکلندک و اأزدن کلدیکی قدر اووظیفه نی حسن
ایفایچون بورایه طویلانندی ، ملت ده بزم شونه دمزه ، شو
سیمیزه مقابل بزی ترفیه ایتکی تأمین ایتدی . بناء علیه
عجبا افندیلر ! ایچکزده اوله جسور بر آرقداش تصور
ایدرمیسکوز که « بن مجاسده وظیفه وکالتی بحق ایفا
ایدیورم و بوندن فضله اوله رق مساعد بروقت قرانیورم
بناء علیه بنم آریجه بر تجارت پایمه سه سزمانع اوله مازسکوز»
دیه بیلسین؟ (حاشا سسلری)

سلیمان سسری بک (یوزغاد) — تجارت ایچون آیلرجه
مجاسه اوغرامیانلر واردر .

علی سروری افندی (دوامله) — مصالح امت ،
امور عمومیه ملت بوراده مذاکره اولتورکن ، مناقشه
ایدیلیرکن بیلمم هانکی شخصک حقوق شخصیه سی
ظاهره اخراجه چالیشه جم . و بونک ضمنتده برده منفعت
چیقاره جم دیه محکمه قولرینه کیدوبده وکالت خصوصیه
ایله اشتغال ایتک : یاخود ینه ، افندیلر ، بزبشرز متعهد
آرقداشلر مه خطاب ایدیورم ، هانکی متعهد واردر که
اوتعهده کیردیکی زمان کنندی منافع شخصیه و ذاتیه سندن
تمامیه تجرد ایدرک بر خدمت پایم دیه کیرمش اولسون .

(براو صدالری و آلقیشلر) چونکه بن امیم که
بویله تعهد آلتنه کیرن آرقداشلر منافع عمومیه به خدمت
ایتمک مقصدینی طاشیمقله برابر اونک ذیلنده برده منفعت
ذاتیه تأمین ایدیم دیه دوشونمشدر . بعض آرقداشلر
دیورلر که : بونی بر قانون اوله رق یایلم ، قرار اوله رق
یایمیلر . بلکه بو حد ذاتنده موافق اوله بیلیر . فقط؛ آنجق
بر شرط ایله قبول اولنه بیایر . اوده مجلس عالی دعوی
وکالتی حقیقده اتخاذ ایتدیکی قرار مثللو بر موجب تقرر
متعهدلکی ده منع ایدر . اوندن سوکره ده اساسلی
و مبعونلر نه کی ایشلری درعهده ایده مزلر . اولنلری ده
دوشونهرک بر ماده قانونیه و بر لایحه قانونیه تک قلمه
آلمسنی عاأد اولدینی انجمنه حواله ایدر . بو ده اده و غرو
اوله بیلیر . یوقسه شمیدین متعهدلکی منع ایتمز ، یالکنز
انجمنه کوندرمکه قالیرسهق ، نظر دقتسکزه عرض
ایدرم . کچن سنه ده دعوی وکالتک منعی حقیقده انجمنه
بر لایحه کوندردیکنز . برسنه ده چیقما دی . برکت ویرسون
کچن کون هیئت جلیله تک عزم و جلادته ویردیکی قراراله
منع ایدلدی . (براو صدالری)

نصرت افندی (ارضروم) — تقرر لر توالی
ایدرسه . . . یارین بنده بر تقرر ویریرم که : مبعونلر
تجارت ایتسین دیه . . .

علی سروری افندی (دوامله) — ده ها نه کی صنعتلر
ده ها نه کی ایشلر درعهده اولنه ماز ، اونلرله برلسکده
دها اساسلی ، دها موافق بر صورتده دوشونمک اوزره
انجمنه اوزمان کوندریرز . شوراسنی ده عرض ایدیم که :
مجلس عالی تک اتخاذ بیوره چی ممنوعیت قراری شمیدی به
قدر تحقق ایتش تمهدلرک اتقاضی مدتسه قدر بالطبع
شامل اوله ماز . چونکه برحق مکتسب واردر و بوکاده
تشمیلی تقدیرنده منافع عمومیه نقطه نظرندن داعی مخذور
اولور . ایشته ؛ اونی ده او انجمن لایحه نی یازدینی وقت
دوشونور . و شمیدی اتخاذ بویوریله جق قرارده ده بو
نقطه نظر تصریح بویوریلیر .

رئیس — افندم ! مذاکره تک کفایتی حقیقده تقرر
واردر . (مذاکره کافی صدالری) مذاکره نی کافی

یرینه علی العموم حکومتله و حکومت وسائطله معاملات
تجاریه دن منعی حقنده .. صکره عبدالقادر افندی تاریخ
قراردن اعتباراً مرعی الاجرا اولسنه دائر برجه نك
علاوه سنی تکلیف ایدیور.

بوصورتله خواجه عبدالغفور افندی نك تقریری رأیه وضع
ایدیورم . خواجه عبدالغفور افندی نك تقریری قبول
ایدنر لطفاً الیرینی قالدیرسونلر! (قبول ایدلشدنر)
افندم ارغنی مبعونی امین نك اوج آی مدت مع تخصیصات
مأذونیتی حقنده نصاب مذاکره حاصل اولماشدی .
ایکنجی دفعه رأیه وضع ایده جکر .

نیل افندی (قره حصار صاحب) — مأذونیت
ایچون دکلدنر. رأی یالکز تخصیصات حقنده در . بوجهت
تصریح ایدلسون . یالکز تخصیصات حقنده رأیه وضع
ایدیله جکدر افندم .

(استحصال آرایه باشلانیدی) افندم آراتصیف
ایدیلنجه یه قدر بش دقیقه تنفس ایتک اوزره جلسه یی
تعطیل ایدیورم .

برنجی جلسه ختامی - ۳ - صکره ده

ایکنجی جلسه خفیدر

کورنر لطفاً الیرینی قالدیرسون! (مذاکره کافی کورولشدنر)
افندم بر تقریر وار . ارزنجان مبعونی حسین بکله
قره حصار شرقی مبعونی مصطفی بکک مذاکره نك مدافعه
ملیه و کیلی حضوریه اجراسنه دائر . (ردد و صدالری)
(انجمنه کیتسون صدالری) مساعده بیورک ایضاح ایدیم
صکره بر تقریر دها وارد .

ریاست جلیله یه

تقریره کی متعهدک کلمه یی یرینه علی العموم حکومتله
و حکومت وسائطله معاملات تجاریه صورتنده تعدیلاً
تصحیحتی تکلیف ورجا ایدرم .

منتشا

دو ققور توفیق رشدی

(خایر ، خایر صدالری)

رئیس — بو تقریری قبول ایدنر لطفاً الیرینی قالدیرسون!

(رد ایدلدی)

عبدالغفور افندی (قره سی) — «منوعیت» تاریخ
قراردن معتبر اولق اوزره «جمله سی قونسون (کورولتیلر)
رئیس — افندم ! مساعده بیورک ! تقریره
متعهدکدن منعی یازیلی . دیگر تقریره متعهدک کلمه سی



